



**Broj:** 08-06/2-14-2-2486-6/15

**Dana:** 08.06.2015.godine

Na osnovu člana 70. Zakona o javnim nabavkama ("Službeni glasnik BiH", br. 39/14), ministar Ministarstva unutrašnjih poslova Zeničko-dobojskog kantona, d o n o s i:

### **ODLUKU**

o izboru najpovoljnijeg ponuđača - "ARCON - IN" d.o.o. Zenica, za "Dogradnja lokacije za izdavanje ličnih dokumenata u PS Visoko"

#### **I**

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-2486-5/15 od 04.06.2015.godine, i ugovor za "Dogradnja lokacije za izdavanje ličnih dokumenata u PS Visoko" dodjeljuje se ponuđaču "ARCON - IN" d.o.o. Zenica sa ponudom broj: 08-06/2-14-2-3028/15-BS od 04.06.2015.godine, za ponuđenu cijenu u iznosu od 161.877,17 KM bez PDV-a.

#### **II**

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

- pozitivan bilans uspjeha za posljednje dvije finansijske godine (2013. i 2014.g.), odnosno od početka poslovanja u predmetnom segmentu, ako je ponuđač registrovan, odnosno počeo sa radom prije manje od 2 (dvije) godine, ukoliko je objavljivanje poslovnog bilansa zakonska obaveza u zemlji u kojoj je ponuđač registrovan. Ako ne postoji zakonska obaveza objave bilansa, ponuđač će dostaviti izjavu ovjerenu od strane nadležnog općinskog organa ili notara.

- izjava o ukupnom prometu ponuđača, i kada je to primjereno, o prometu u segmentu poslovanja koji je predmet ugovora, za posljednje dvije finansijske godine (2013. i 2014.g.) za koje se raspolaže podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od dvije godine.

- spisak izvršenih ugovora (poslovi visokogradnje) koji su izvedeni tokom posljednje dvije godine (2013. i 2014.g.), ili od datuma registracije odnosno početka poslovanja ako je ponuđač registrovan odnosno počeo sa radom prije manje od 2 godine. Uz spisak izvršenih ugovora ponuđač je dužan dostaviti potvrde o uspješno izvršenim radovima visokogradnje koju daje druga ugovorna strana o njihovoj realizaciji; Potvrda o uredno izvršenim ugovorima mora sadržavati: naziv i sjedište ugovornih strana ili privrednih

subjekata; predmet ugovora (poslovi visokogradnje); vrijednost ugovora; vrijeme i mjesto izvršenja ugovora, navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima (poslovi visokogradnje), uz predočavanje dokaza o učinjenim pokušajima da se takve potvrde osiguraju.

- rješenje o imenovanju voditelja (šefa) građenja – fotokopija diplome o završenom građevinskom ili fakultetu arhitekture, fotokopija uvjerenja o položenom stručnom ispitu, potvrda nadležnog PIO/MIO kao dokaz o radnom odnosu kod izvođača sa punim radnim vremenom.

- aktivan dokaz o registraciji u profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost (građenje građevina). Ako se dokaz o registraciji ne izdaje u državi sjedišta privrednog društva, privredno društvo može dostaviti Izjavu s ovjerom potpisa kod nadležnog organa.

- 2 (dvije) obične kopije dostavljene dokumentacije – kopije ponude mogu ali ne moraju imati čvrsti uvez.

### III

Ova Odluka objaviće se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### IV

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-2486/15 od 08.05.2015.godine.

Javna nabavka provedena je putem otvorenog postupka nabavke.

Procijenjena vrijednost nabavke je: 162.393,00 KM bez PDV-a.

Obavještenje o nabavci broj: 488-1-3-22-3-12/15, poslano je na objavu dana 13.05.2015.g., čiji je sažetak objavljen dana 18.05.2015.godine u "Sl. glasniku BiH", broj 39/15.

Komisija za javnu nabavku imenovana je rješenjem broj: 08-06/2-14-2-2486-2, 2605-2/15 od 20.05.2015.godine.

Komisija za javnu nabavku sačinila je Zapisnik sa otvaranja ponuda broj: 08-06/2-14-2-2486-4/15 od 04.06.2015.godine i Zapisnik o ocjeni ponuda broj: 08-06/2-14-2-2486-5/15 od 04.06.2015.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da su se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači: "VIZIJA" d.o.o. Sarajevo, "ARCON - IN" d.o.o. Zenica, i "DEBOS" d.o.o. Sarajevo.

- da ponude ponuđača "ARCON - IN" d.o.o. Zenica i "DEBOS" d.o.o. Sarajevo, ispunjavaju zahtjeve ugovornog organa u formalno-pravnom, ekonomskom i tehničkom smislu, tj. da su prihvatljive za ugovorni organ, a da ponuda ponuđača "VIZIJA" d.o.o. Sarajevo ne ispunjava kvalifikacione kriterije iz sljedećih razloga:

Ponuđač "VIZIJA" d.o.o. Sarajevo propustio je dostaviti:

a) 2 (dvije) kopije ponude, odnosno dostavljena je samo jedna kopija, što je u suprotnosti sa tačkom 15. tenderske dokumentacije,

b) potvrde o uspješno izvršenim radovima visokogradnje izdate od druge ugovorne strane, kao i izjave o istom, što je u suprotnosti sa traženim iz tačke 13.2.1. a),

c) običnu kopiju aktivnog dokaza o registraciji u profesionalnom ili trgovačkom registru, što je u suprotnosti sa tačkom 13.3. tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "ekonomski najpovoljnija ponuda".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Slijedom navedenog, ponuđač "ARCON - IN" d.o.o. Zenica je odabran na osnovu ponuđene cijene u iznosu od 161.877,17 KM bez PDV-a.

Redoslijed ostalih ponuda prikazan je u tabeli, kako slijedi:

Red. br.	Ponuđač	Cijena u KM bez PDV-a	Popust	Cijena u KM bez PDV-a sa uračunatim popustom	Prefere-ncijalni tretman domaćeg	Cijena sa popustom i preferenci-jalnim tretmanom domaćeg u KM bez PDV-a	Rok izvođenja radova	Rok plaćanja	Bodovi za cijenu	Bodovi za rok izvođenja radova	Bodovi za rok plaćanja	Ukupno bodovi	Rang
1.	ARCON-IN D.O.O. ZENICA	161.877,17	-	161.877,17	Da	137.595,59	69 dana	366 dana	85	4,35	10	99,35	<b>1</b>
2.	DEBOS D.O.O . SARAJEVO	174.461,99	12.212,34	162.249,65	Da	137.912,20	60 dana	10 dana	84,80	5	0,27	90,07	<b>2</b>

#### **PРАВNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

#### **DOSTAVLJENO:**

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

**MINISTAR**

**Hajrudin Žilić**